



AKCIJA CORAL Nastavak istrage o prostituciji

Jasmin Čatak pao zbog primanja mita

Catak, koji se tereti da je, kao pripadnik zločinačke organizacije, počinio krivično djelo primanje dara i drugih oblika koristi te druga krivična djela, saslušan u Tužilaštvu KS

Pripadnici Državne agencije za istrage i zaštitu (SIPA) u nastavku akcije kodnog naziva "Coral" sinoć su u Sarajevu uhapsili Jasmina Čatka, kojeg terete da je, kao pripadnik zločinačke organizacije, počinio krivično djelo primanje dara i drugih oblika koristi, davanje dara i drugih oblika koristi te druga krivična djela.

Tužilačka 24 sata

Nakon saslušanja u SIPA-i, osumnjičeni je predat u nadležnost Tužilaštvu Kantona Sarajevo, prema čijoj je naredbi i uhapšen.

Osumnjičeni je predat u nadležnost Tužilaštva. Protiv njega je otvorena istraga i, prema naredbi tužioca, bit će zadržan 24 sata, nakon čega će se donijeti konačna tužilačka odluka o upućivanju prijedloga za određivanje jednomjesečnog pritvora – pojasnio nam je Alem Hamzić, portparol Tužilaštva Kantona Sarajevo.

Inače, akcija "Coral" je, nakon višemjesečnih priprema, realizirana 8. oktobra ove godine, kada je

uhapšeno 16 osoba pod sumnjom da su izvršile više krivičnih djela, od utaje poreza do navođenja na prostituciju.

Vlasnik restorana

Prema navodima Tužilaštva, 11 od njih osumnjičeno je za utaju poreza i organizirani kriminal, a pet za navođenje na prostituciju.

Prvoosumnjičeni u oba predmeta je Alen Čengiđ, poznati ugostitelj iz Sarajeva – vlasnik restorana "Park prinčeva" i bivši direktor hotela "Holiday".

On je uhapšen u svom stanu na Bjelavama i osumnjičen je i za utaju poreza i navođenje na prostituciju.

Osim Čengiđa, uhapšen je i prvi čovjek osiguranja "Holiday" Vahidin Alić, Čengiđev dobar prijatelj.

Tokom akcije obavljen je pretres na deset lokacija u Sarajevu,

a na terenu je bilo čak 100 pripadnika SIPA-e.

U akciji "Coral" uhapšeni su i Mehmed Puškić, Jasmin Kulenović,

Sabina Bajraktarević, Adnan Hadžibajrić, Jasmina Šehović, Emir Smajlbegović, Damir Isenić, Adis Skrupan (koji je s Alicem hapšen i ljetos tokom protesta radnika "Holidaya", op. a.) te Hasib Musić.

Svi su osumnjičeni da su kontrolirali poslovanje ovog hotela, a za neke nezakonite radnje unajmljivali su i IT stručnjake kako bi im instalirali određene programe i aplikacije uz pomoć kojih su prikivali stvarne prihode i izbjegavali plaćanje poreza.

A. ALJIMI

Page: 16

Reach: 50000

Country: BOSNIA AND HERZEGOVINA

Size: 396 cm2

2 / 2



Privođenje jednog od osumnjičenih u akciji SIPA-e

Organizirane orgije

U akciji "Tango", koja je povezana s akcijom "Coral", uhapšeni su Senadin Didik, Kemal Elkaz (bivši prvotimac Sarajeva i Željezničara, op. a.), Anida Kunić, Emir Ljuca i Sabina Zumberi. Svi su osumnjičeni da su organizirali i vodili pružanje seksualnih usluga na području Sarajeva, za koje su naplaćivala 25 posto od ukupne cijene. Nedavno otvoreni elit-

ni striptiz-klub, koji radi u krugu "Holidaya", bio je glavno poprište organizirane prostitucije. Nezvanično, Čengić je, kao vođa organizirane grupe, koristeći ovaj klub, mjesecima navodio određene osobe na prostituciju. Na "privatnim partijama", za koje su znali samo određeni radnici, koji su za diskreciju bogato nagrađeni, organizirane su orgije.



HAMZIC:
O pritvoru naknadno